



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 14. Francofordienses Lutheri hæresi infecti

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæc. XVI. *Sum, & judicium Dei in Thomam Münze-*
 A.C. 1525. *rum.* Huic libello protinus respondit

Joannes Cochlæus, atque omnia in ipsum Lutherum retorquens, ex propriis ejusdem libris, quæcunque ipse rusticis imputavit, eos hausisse, atque cuncta, quæ rebelles injuste attentarunt, ex illius doctrina didicisse demonstravit.

§. XIV.

Francofordienses Lutheri hæresis infecti.

Ex his Germaniæ tumultibus innumera oriebantur seditiones in variis urbibus, quarum cives Lutheri sectam introducere moliebantur. Jamjam Saxonix Elector recens electus, Hassiæ Landgravius, & Brunsvicensium Dux palam Lutheri hæresin profitebantur, nec minus Senatus Argentinensis aperte adversus Episcopum Ecclesiasticorum connubiis & Lutheranæ doctrinæ Præconibus favebat. Ast majores longe turbas impia hujus Hæresiarchæ dogmata Francofordiæ ad Mœnum suscitavit: Plebs enim a duobus seditiosorum ductoribus, quorum unus erat Sartor, alter Sutor, ad rebellionem concitata in feriis Paschalibus magno impetu insurrexit, ac undique ad arma con-

concurrens, Fridericum Martoffium, Sæc. XVI.
 & Joannem Cochlæum, quorum prior A.C. 1525.
 ad S. Bartholomæum, alter vero ad
 B. Virginem Decanus erat, urbe expul-
 lit, non aliam ob causam, quam quod
 Fridericus in Parochiali Ecclesia no-
 vos Lutheranorum ritus non admitte-
 ret; Cochlæus vero in Lutherum quæ-
 dam scripsisset. Postmodum seditiosi
 urbis regimen sibi arrogantes, Sena-
 tum veterem abrogarunt, novamque
 Curiam constituerunt, in qua viginti
 quatuor ex plebe delecti, omne civita-
 tis jus sibi usurpabant. Hi itaque no-
 vi Senatores quadraginta septem con-
 scripserunt articulos, quos pro legibus
 haberi voluerunt, datisque literis u-
 trumque Decanum urbe expulsam ju-
 bebant, ut eo intra mensem redirent,
 suoque consensu attentata firmarent, a-
 lias sua amissuri beneficia. His minis
 territus Martoffius cessit: Joannes ve-
 ro Cochlæus rescripsit, quod consenti-
 re non possit absque Superiorum con-
 silio & voluntate: Petebat igitur lon-
 giores inducias, non quod consentire
 unquam intenderet, sed ut iratæ plebis
 animos a vi retineret. Hoc quoque i-
 psam paulo post factum est.